

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S. SUBRAMANIAM
MENTERI KESIHATAN MALAYSIA**

**PERTANYAAN : BUKAN LISAN
DARIPADA : YB TUAN WAN HASSAN BIN MOHD RAMLI
[DUNGUN]
TARIKH :
SOALAN :**

YB Tuan Wan Hassan Bin Mohd Ramli [Dungun] minta MENTERI KESIHATAN menyatakan langkah-langkah yang perlu dan patut diambil bagi mengurangkan wabak denggi.

Tuan Yang di-Pertua,

Pada tahun 2015, jumlah kumulatif kes demam denggi yang dilaporkan adalah 120,836 kes iaitu meningkat sebanyak 11.2% (12,138 kes) berbanding tahun 2014 (108,698 kes). Perincian kes demam denggi di Malaysia dan mengikut negeri bagi tahun 2015 adalah seperti di Lampiran 1.

Tuan Yang di-Pertua,

Antara langkah-langkah yang telah diambil bagi mengurangkan kes dan wabak denggi adalah seperti berikut:-

- i. Mengambil langkah-langkah preventif membanteras denggi dengan penglibatan secara bersepadu lain-lain kementerian dan agensi melalui penubuhan Pasukan Petugas Khas Denggi Peringkat Kementerian sejak bulan Julai 2014. Jawatankuasa ini turut dianggotai oleh Kementerian Kesejahteraan Bandar, Perumahan dan Kerajaan Tempatan (KPKT), Pihak Berkuasa Tempatan (PBT) serta Perbadanan Pengurusan Sisa Pepejal Dan Pembersihan Awam (SWCorp). Dalam Mesyuarat Pasukan Petugas Khas Denggi ini, KKM mengesyorkan kepada pihak berkenaan untuk menambah kemudahan bagi pembuangan sampah, meningkatkan kutipan sampah iaitu sekurang-kurangnya tiga kali seminggu serta mengatasi masalah pembuangan sampah haram melalui pengawasan berterusan, membersihkan kawasan sampah haram serta meningkatkan aktiviti penguatkuasaan di kawasan-kawasan yang dikenalpasti.
- ii. Menubuhkan Pasukan Petugas Khas Denggi pada peringkat negeri yang dipengerusikan oleh YAB Menteri Besar atau diwakilkan kepada Exco Perumahan dan Kerajaan Tempatan atau Exco Kesihatan dengan kerjasama pelbagai jabatan dan juga agensi.
- iii. Bagi setiap kes dan wabak yang dilaporkan, aktiviti pencegahan dan kawalan denggi hendaklah dilaksanakan oleh pihak KKM dan PBT diperingkat daerah. Penyelarasan aktiviti perlu dilakukan antara PBT dan PKD terlibat agar kekurangan sumber seperti tenaga kerja, peralatan dan sebagainya dapat diatasi.
- iv. Menjalankan aktiviti kawalan denggi secara bersepadu dan meningkatkan penglibatan agensi lain dalam menjalankan aktiviti pencegahan denggi mengikut bidang kuasa masing masing.

- v. Meningkatkan aktiviti penguatkuasaan di tapak-tapak binaan melalui kerjasama antara JKN, CIDB, JKPP dan juga PBT.
- vi. Menjalankan aktiviti pembersihan kawasan tanah atau lot kosong yang terdapat di lokaliti wabak atau hotspot dengan penglibatan PBT dan agensi lain. Selain daripada aktiviti pembersihan kawasan, aktiviti larviciding juga dijalankan bagi menghapuskan larva nyamuk *Aedes*.
- vii. Meningkatkan aktiviti pendidikan kesihatan oleh Bahagian Pendidikan Kesihatan, KKM dengan kerjasama Kementerian Komunikasi dan Multimedia sama ada melalui media cetak dan elektronik seperti di akhbar-akhbar tempatan, radio dan juga televisyen. Ini juga termasuk penggunaan media sosial seperti *facebook*, *whatsapp*, *twitter* dan sebagainya untuk meningkatkan penglibatan masyarakat.
- viii. Memperkukuhkan Program Bebas Denggi yang melibatkan institusi seperti Program Bebas Denggi di Sekolah dan juga di IPTA/IPTS oleh Kementerian Pendidikan. Ini juga termasuk melaksanakan Program Bebas Denggi di tempat kerja oleh kementerian dan juga lain-lain jabatan serta agensi.
- ix. Meningkatkan kerjasama dengan syarikat swasta melalui program tanggungjawab sosial korporat (CSR) dalam melaksanakan aktiviti pencegahan denggi melibatkan pelajar, contohnya program *Dengue Patrol* dan penglibatan komuniti seperti *Dengue Free Malaysia Movement*.